

შპს „თეგეტა აკადემია“

ქ. თბილისი

14 ივლისი, 2020

ბ რ ძ ა ნ ე ბ ა N 0231

შპს „თეგეტა აკადემიის“ დირექტორის 03.09.2018 წლის NO17 ბრძანებაში “შპს თეგეტა აკადემიაში“ პროფესიული საგანმანათლებლო პროგრამების შემუშავების ინსტრუქცია და დამტკიცების წესის დამტკიცების შესახებ“ ცვლილებებისა და დამატებების შეტანის შესახებ

02.11.2017 წელს დამოწმებული (სანოტარო მოქმედების რეგ. N: A171287872) შპს „თეგეტა აკადემიის წესდების“ 7.1, 7.3 და 7.7. მუხლების შესაბამისად,

ვ ბ რ ძ ა ნ ე ბ ა:

1. შევიდეს ცვლილება “შპს თეგეტა აკადემიაში“ პროფესიული საგანმანათლებლო პროგრამების შემუშავების ინსტრუქცია და დამტკიცების წესის დამტკიცების შესახებ“ შპს „თეგეტა აკადემიის“ დირექტორის 03.09.2018 წლის NO17 ბრძანებაში და ბრძანების დანართი N1-ით დამტკიცებული “შპს თეგეტა აკადემიაში“ პროფესიული საგანმანათლებლო პროგრამების შემუშავების ინსტრუქცია და დამტკიცების წესის“:

ა) მე-11 მუხლი ჩამოყალიბდეს შემდეგი სახით:

*მუხლი 11. პროგრამაში ცვლილების შეტანა და გაუქმება*

1. აკადემიის დირექტორის მიერ შესაბამისი აქტის საფუძველზე დამტკიცებულ პროგრამაში ცვლილებების შეტანის პროცესის დაწყების საფუძველი შესაძლოა გახდეს:

ა) დაწესებულების მიერ სხვადასხვა მიმართულებით ჩატარებული კვლევის (პროფესიული სტუდენტების, პროფესიული მასწავლებლების, განმახორციელებლების, დამსაქმებლების კვლევა და სხვ.) შედეგები და მათი ანალიზი;

ბ) სასწავლო პროცესისა და ხარისხის მართვის სამსახურის დასკვნა;

გ) პროფესიულ საგანმანათლებლო სტანდარტში/ჩარჩო დოკუმენტში განხორციელებული საკანონმდებლო ცვლილებები;

დ) სხვა ობიექტური გარემოებები.

2. საგანმანათლებლო პროგრამის ცვლილების საკითხს განიხილავს სასწავლო პროცესისა და ხარისხის მართვის სამსახური.

3. პროგრამაში ცვლილების შეტანის საკითხის განხილვისას პირველ რიგში უნდა დადგინდეს საგანმანათლებლო პროგრამაში ცვლილება შესაძლებელია დაწესებულების შესაძლებლობების ფარგლებში, თუ აუცილებელია განათლების ხარისხის განვითარების ეროვნული ცენტრისადმი ინიციატივით მიმართვა პროგრამაში ცვლილებების შეტანის შესახებ.

4. იმ შემთხვევაში, თუკი ცვლილება შესაძლებელია დაწესებულების შესაძლებლობების ფარგლებში, ცვლილების პროექტს ამზადებს ცვლილების ინიციატორი, რის შემდეგაც, ცვლილების შეჯერებული ვარიანტი განსახილველად და საბოლოო დასკვნისთვის ეგზავნება სასწავლო პროცესისა და ხარისხის მართვის სამსახურს.

5. პროგრამაში ცვლილების შეტანა ხდება საგანმანათლებლო პროგრამის დამტკიცებისათვის დადგენილი წესის და პროცედურების შესაბამისად.

6. აკადემია უფლებამოსილია მიიღოს გადაწყვეტილება შეცვლილი პროფესიული საგანმანათლებლო პროგრამის პარალელურად, განახორციელოს შეცვლამდე არსებული პროფესიული საგანმანათლებლო პროგრამა მხოლოდ მასზე ჩარიცხული პროფესიული სტუდენტებისთვის, მიღევად რეჟიმში, რის შესახებაც ეცნობება ცენტრს.

7. პროგრამის გაუქმების გადაწყვეტილების მიღების საფუძველი შესაძლოა გახდეს ამ მუხლის პირველი პუნქტით განსაზღვრული გარემოებები და სასწავლო პროცესისა და ხარისხის მართვის სამსახურის შესაბამისი დასკვნა. პროგრამის გაუქმების თაობაზე აკადემიის დირექტორი გამოსცემს შესაბამის აქტს.

2. წინამდებარე ბრძანება ძალაში შედის ხელმოწერისთანავე.

დირექტორი

